

兩

浙

輶

軒

錄

兩浙輶軒錄卷三

郭哀采 何衡 何紘度 陳璜 何且純

許延邵 翁世庸 屠粹忠 吳源起 吳源達

孫錄 張瑤芝 詹夔錫 陳殿桂 潘廷章

黃中明 屠廷楫 徐貞木 皮丹生 李煒

史宜綸 吳蕃昌 張嘉昂 陸崑 陸峻

包燮 朱鉞 李蒞 魏璧 金鎮

張陞 何嘉迪 姜梗 董瑒 譚宗

戴慶華 陳達德 魏學渠 袁英 范初

陸溶容 楊一完 黃象雍 周曾發 張士甄

范光文 范光遇 范廷元 許鴻儒 馬鎮

董宗城 金漸皋 查培繼 錢捷 錢棐

張翼 陳可畏 王錫珪 陸元旭 周明新

徐上扶 張苗 張標 陳容永 蔣雲翼

徐元榮 陸翔華 周宸藻 楊應標 李燧升

邵仲陟 謝泰定 虞二球 張超 唐彥暉

范廷魁 謝包京 董允懌 桂載錫 陸象震

高斗階 金良 沈璇 俞珪 俞廷瑞

謝淳 吳亢宗 何志清 葉臣遇 邱九思

陸曾煜 沈霄鶴 王爾椒 任四邦 沈華

趙珪 金星 侯思耀 沈峻曾 洪圖光

虞黃吳 吳百朋 陸堃 張丹 陸世楷

魏允枚 錢芷 胡介 包文壇 俞宣琅

李文細 盧然 曾益 錢昭繡 查嗣琪

許蛟 馬遇知 祝洵文 曹偉謨 呂章成

祁鴻孫 祁理孫 王余高 卓發之 諸匡鼎

陳邦紀 范廷鳳 全吾麒 朱獻臣 胡紹相

胡明遠 胡直方

兩浙輟軒錄卷三

督學使者阮元訂

郭袁采

字龍威嘉興人順治戊子舉人官宜春知縣著西翠樓集

梅里詩輯大令與李天殺齊名時稱李郭周留谷  
稱其詩雄渾明秀使天假之足足以方駕盛唐

雨宿峴山

百里臨胸道東來海氣腥魚鹽爭小市鞍馬困長亭野水吞  
沙白春山沐雨青長天歸雁溼誰肯惜飄零

北歸泊京口

微茫京口樹寂歷射堂陰竹箭春濤迅桃花夜雨深看山懷  
舊侶鳴鶴速歸心鼓棹江潭上聊從漁父吟

何衡

字無頗號時湘臨海人著衡憶焚草客游集盤江雜著

陳韓曰何衡為前明進使舜齡仲子定海任公大治任  
南刑曹慕其才招為館甥賦白燕詩盛傳白下晚乃怡

情山水子紱度

國朝進士官臨晉迎養不赴日吾兒冰檠自持余不以與  
兩浙輟軒錄卷三 郭袁采何衡

馬僕從

累介節

桃葉渡

華清橋下水漫漫流却相思日幾竿一葉誰家橫斷岸送儂

心事過長干

何紘度

字蹟潘號石湖又號心齋臨海人衡子順治壬辰進士歷官臨晉知縣著有客言醉石稿心齋四逸

篇

陳焯曰紘度官臨晉潔已愛民途有貴人過絕不迎謁貴人怒喊巡按中以事罷歸在林下五十年意未嘗稍懷快也究心伊洛緒言間示後進人尊爲心齋先生

宿高明寺

碧天幽處敞香臺萬壑千巖擁復開客在上方看月靜僧持  
半榻踏雲來珠林風動淩黃鶴石洞秋深長綠苔向夕鐘聲  
縹緲度幾人蓮社待宗雷

陳

璜

字元卿號琪園臨海人順治壬辰進士官壽張知縣著富園詩集文略旅書枕書琪園詩話

陳煒曰陳璜知壽張有清節以小誤降補寧德丞甲寅遭寇變鬱鬱不得志卒于閩

至桐山

久習齊人語今來聞嶠行土風自北古山水向南清野鳥傳

新意岩花見逸情得兼雲日美彷彿畫圖成

何且純

守吳子號認齋錢唐入順治甲午舉人官江陰知縣

雲嘯齋詩話張泰亭集有哭何異子兼慰岱瞻諸子詩人才無比如何遼不道別來倏已亡任叻諸孤誰解恤

幾番懷舊愧劉郎異子為泰亭所重其能詩可見矣惜全集不傳

朱文藻曰與子先生為吾友春渚之曾祖宋淳安潛齋先生之裔前明兵部尚書崇七世孫遺詩久軼訪之春

渚僅得一詩

同朱泰亭毛稚黃湖上晚歸

酒痕不惜灑春衣又向湖邊汎棹歸島嶼微茫連樹色樓臺

兩浙輶軒錄卷三

何紹慶附錄何其綏

二

縹緲隔煙霏桃花開後燕方到柳絮墮時魚正肥吟徧逋仙  
三百首鐘聲漸聽出禪扉

許延邵

字仲將號印渚武康人順治戊戌進士龍泉知縣行取禮部出爲泉州知府著熙陽集玉階草

入黔山行

鬼國風煙近駿駿匹馬迷天晴銳峰出日暮怪禽啼百戰人  
餘種孤村虎伴棲艱貞吾道在拋擲任東西

冉幼青茂才昆季攜酒見過并出貧居詩抑鬱殊甚作  
此解之

一自投荒醉侶孤君家一仲肯提壺但能痛飲皆名士何處  
天涯不酒徒

官裏雖無種秫田平生投轄不論錢肯來相就謀長醉尙有  
金龜肘後懸



翁世庸

字用公號東山錢唐入順治戊戌進士官至思南知府著東山草堂集

翁世庸自序東山近詩畧曰余令環江七年處山僻無

人之境卧理徐園惟抱膝長吟久之遷隴收乃由麗水

蒼山勝悟始泰間始經瀟湘過洞庭歷岳陽黃鶴雲夢

諸名勝遂入天中越潼關望華嶽而西入咸陽以抵隴

東水陸舟車七千里而遙行邁六閱

月風波鞍馬又安能自廢咏歌也

朱彭曰東山先生初為思恩令遷隴州知州會王輔臣

叛先生連上血書請兵未至城陷被執不屈以死自誓

王師至賊遁去先生走將軍營令兵進討以復隴功陞貴州

思南府丁艱歸里服闋補臺灣未抵任卒

寄河渚友人

知君高拂遂初衣  
篆鶴栽梅息世機  
身卧西山徐孺在  
名

東海魯連歸草堂  
客滿黃花笑竹閣  
卮浮紫蟹肥六十  
朱顏

還更健扁舟來往釣魚磯

郡中寒食二首

何折前年夢  
卷三  
許延邵翁世庸

嶺外桃花落愁中正暮春食寒官祭鬼火禁俗迎神燕宿新

茅屋花開舊主人不知連夜雨漲斷麗江津

麗水逢寒食通臣已七春頻看江上草幾見瘴中人白髮羞

微祿青山慰老親故園不可問獨對更無鄰

寄懷丁弋雲素涵昆弟

思君兄弟八年間春去春還花復殷景物每隨時次改文章

却到老來閒環江底事唯愁瘴靈鷲名流可閉關聞道謝家

珠玉樹亭亭枝幹映湖山

屠粹忠

字純甫號芝岩鄧人順治戊戌進士由

袁鈞曰屠粹忠進士謁選得封邱知縣適河忠城垣虛

舍頗圯前令率僮仆河干莅事粹忠至誅茅立官署置

草舍棲流亡修築城垣不兩月諸務畢舉在任十年以

最遷禮科給事中出以議論不合乞終養歸後補兵科遷工  
部賞宜從中出以議論不合乞終養歸後補兵科遷工  
部給事中淮揚大水陳便民十要巡大理寺丞歷奉

天府丞大理少卿擢兵部侍郎進尚書卒于官

秋遊分水谿晚歸

鴻飛薄天寒有聲罡風徙葉山爲輕水底石子明抱卵橘中  
棋叟坐譚兵薄雲如紙愁欲破老松陰陰作鬼訴萬樹江楓  
醉渴中天公解賜金莖露小艇歸來駕三五月下蘆花當去  
路一聲鼓櫓水簾飛捷若飢鷹趁寒兔

吳源起

字準菴嘉興人順治辛丑進士洛陽知縣

梅里詩輯準菴爲前明禮部主事鑄子嘗遊岱華嵩衡  
作四嶽遊記後登恒山又有北岳遊記既歷宦途有此  
勝事固亦天幸亦微雅懷其在洛陽有異政在諫  
垣有直聲歸老林泉年臻大耋庶幾完人也已

宿胡氏池上樓

日暮此登樓天寒萬木秋小池新雨歇落葉滿溪流白髮成  
何事青山未可求多君能閉戶人世有滄洲

兩浙輶軒錄

卷三

唐荆川 吳興人

四

過雲間訪張梅鼎適董榕菴至欣感交集紀述有作

二十年來同獻書舊游回首復何如江都奏對餘繁露博望  
聲名上玉除薊北人歸隨斷雁江南秋近憶鱸魚升沈此日  
無勞問惟有高文爲起余

吳源達

字彥章嘉興監生

梅里詩輯野外五言律頗清穩晚景頓連頌然自放句  
如老知秋漸少坐待月初升竹風須共被村雨會留人  
樹深遲見月露冷薄添衣滿天細雨牽漁網連日西風  
送米船貧將去我仍難別贈喜看人爲獨醒皆琅然可  
誦

同沈罪圃陳元上過湧蓮精舍

同訪招提境秋風又一時涼雲微帶雨黃葉會催詩溪靜閑  
松徑門關護竹籬老僧能愛客話久不知疲

甘諸館

茅屋堪容膝，蘿垣祇及肩。春深寒作雨，野曠樹凝烟。酒漉新  
篘濁，魚收晚市鮮。三更猶秉燭，相對盡悠然。

孫

錄字古璽，嘉善人。順治辛丑進士。官湖州通判。著正菴集。

朱文藻曰：按王漁洋感舊集補傳稱：古璽多類號孫，孫又精華錄，有句云：孫郎還燃麝，真有紫髯風。

南旺道中

別有登臨意，非因落木愁。是山皆魯甸，一水截吳流。草暗須  
句國，雲封太白樓。百年懷古地，節物况三秋。

送陸季沖之任鬱林

驂驅燥電本空羣，嶺外梅花正候君。地近蒼梧常帶雨，天連  
勾漏半飛雲。莫辭椰酒蠻中異，更有蘆笙馬上聞。此去不須  
愁薄宦，故人還是沈休文。

送王懷人歸漢陽寄張素先孟天友

芳郊碧草正萋萋落日何梁手重攜詞客高吟青雀舫楚人  
齊唱白銅鞮城邊樹色連樊口江上花明滿大隄十載故交  
零落盡因君爲訪鹿門西

張瑤芝

字次英一字菽嶼鄧人順治辛卯副貢官靈寶知縣著野晚樓集

續者舊集靈寶詩秀色可餐果堂謂其有康樂天然之妙未免太過吾鄉詩派與浙西殊別清容居士謂大畧學韓學蘇而不能至此足以盡前上七百年來詩品然縱不能至要自有雄健木色靈寶詩出一時靡然相從流弊至于薄劣此非靈寶所及料也  
袁鈞曰張蓉嶼爲前明尚書張邦奇之元孫爲令操履高潔勤吏治能以信惠化民願不得於上官段勃竟歸曰吾不能坐待彈事也

得卽園和詩

老知吟興拙得句每重刪吾弟詩偏好今年鬢亦班偶眠溪  
上鹿獨酌雨中山屋角櫻桃樹休令稚子攀

早春

亂壑藏餘雪微香動草蘭人因無事老詩覺近情難花石移  
初好園林性亦安最思懷酒力足敵早春寒

放船

不惜篙師力乘流下小灘菰蒲船底亂螺蛤水中寒鳥許回  
頭聽山宜急眼看扣舷誰解和吾意欲凭欄

病起寄卽園弟兼懷岷公

經年蠟屐行遊少歲晚滄江卧病多楊柳門深霏雨雪蒹葭  
人在阻烟波貧家慰勞惟兄弟白首生涯寄嘯歌十里梅花  
溪水闊幾時相約沂泗過

和杲堂散懷

竹塢烟汀景自佳柏梧蒼翠復交加無愁不種忘憂草送老

宜栽晚節花黃鳥頻呼同出谷白鷗相勸且浮家晚來風起  
湖蘋末一片山雲近可拏

慵搔白髮望人憐兒齒方墮老亦妍改歲已忘鑽火事輕陰  
漸愛養花天交從澹處猶防薄詩到真時定可傳寄語騷壇  
休樹壘中和聲律自無偏

詹夔錫

字允諧錢唐諸生  
著白日山房詩

花朝舟中苦雨

花朝逢客路又苦雨風催村酒濁難醉溪雲凍不開山靄殘  
臘雪詩寄故園梅夜夜東風裏吹將客夢回

陳殿桂

字岱清一字長生海寧人官  
高州推官著與菴堂詩文集

謁韓文公祠

八代扶衰振古風巍哉廟祀到今崇江山奕世猶蒙姓婦暨



何人不識公老樹暗滋陰  
薜綠殘碑斜卧夕陽紅  
誰爲後死斯文者一薦蘋蘩湖水東

潘廷章

字美含號梅巖海寧人著硤川志清山樓集

俞賓華曰潘廷章爲明季諸生明亡不復應試專心著述與仁和陸圻同邑陸嘉淑友善互相唱酬

武林館中伯兄錢江晚至

西陵收晚渡及郭正黃昏夜火開江市秋星落海門  
異鄉雙劍合故物一毡存近得家園信挑燈與細論

同白方閣伯幼吉冰修集郁儀臣齋招同梅村太史及陸道威翼王周子俶王維夏郁計登許九日諸子

高館華燈尊酒開芙蓉烟月下池臺三江潮落吳魚集  
九月霜飛楚橘來紀事漢廷存太史談經魯國見英才  
十年獻賦心同切回首金門罷舉杯

黃中明

字白鏡餘杭人官知縣

綠陰

月暗庭陰重高寒挂薛衣孤花春後淺萬綠雨中肥樹樹搖  
清幌山山護翠微灣頭消夏好漁艇雨忘機

初夏步嶼淵亭

天然雲壑小邱園四面湖山水到門芳樹綠遮仙子宅落花  
紅踏酒家村畱春有恨聽鶉舌消夏無方倒竹根醉俯岳潭  
深百尺阜亭歸去獨黃昏

屠廷楫

字爾際號東蒙嘉興人著鹿千草堂集十二卷

朱彝尊曰東蒙於行也

按俗蓋音合乎天類而義本乎國風者

構李詩繫屠廷楫爲前明諸生兵後棄去詩酒自娛而  
以農桑課諸子白蓮僧大梅山房有與周青士倡和詩  
數丈之卷盈二

首詩真可誦

諸錫曰鹿千讀史諸篇不逐雷同獨標卓見朕  
而真鹿千五畝郊外一隱幽人貞吉先生有焉

秋日飲天香閣下感誦帝

東蒙至處糟邱時誦帝亡來筆冢空九地詩魂呼不起一樽  
元對與誰同雨餘桂粟猶飄霧晝冷松髯自鼓風老去賞音  
變曠盡倚闌細數北來鴻

責兒

懷兒八齡強逋讀常費呼愚遜兩次兒爭餅叫詈麓小者襁  
褓中索乳啼呱呱却後二十年玉立四丈夫今者繞膝馳兩  
兩豚犬雛所愧爲人父溫飽無良圖期汝亦不吝庶免爲人  
奴異時東臬下兄翠弟將鋤褐衣藜藿食永保髮與膚遺安  
古有訓裕後非我疎

米嶽

汝爲困內蟲我爲困外蟲各食天地物等使飢量充我家八  
九口強半雜兒童日須五六升我計亦已豐恣汝所食噉噉  
勉必汝供蠹賊視汝曹無乃非大同但恐秋風來瓶罄罍亦  
空我飢固常甘汝徒將安從

青士至寺畱詩見懷期中秋再過

對雨聞雷悵各天山房半榻總前緣詩題齊已茶瓜屋人上  
米家書畫船老去自嫌迂日甚心同每覺地無偏秋風莫負  
南樓約明月雙溪響好連

徐貞水

字士白號白榆山人嘉興府人著懷古堂集

梅里詩輯山人自都城徙居梅里卓犖瓊奇懷貞抱  
介博綜典藉靡所不關豪刻書法詩歌世稱三絕  
義仁榮曰貞木爲人高遠獨介不苟同流俗嘗有鄒邵  
貴介慕其名招之往不應或爲之從史笑曰君誤矣試  
思此地可使徐某置足乎其立身如此書法通魏晉  
竊宜湖秦漢晉見其與包長明尺牘論書法云書至唐

人而法備而書之意遂以微矣蓋其於書非晉人不取也刻意爲詩往往獨吟或卽事標領脫稿輒棄去以是所存甚少

### 沈香谷園歸

當年懷國事一飯擬忘身失意看吾老高風見汝貧餘生空計日末路恥因人不媿前賢事行歌起負薪

### 秋日過錢真長西灣

卜得深居水一涯浮雲身世豈堪嗟衡門舊識先生柳下澤新傳處士瓜老去交情從杵臼秋來風物在蒹葭傾壺且就漁樵侶原上朝來落渚花

### 爰丹生

字山夫初名京字彤寶嘉善人

稿李詩繫山夫從桐廬居吳久之徙嘉興盛澤三年復遷嘉善詩湖亦三年每作小賦得漢魏人風骨詩亦雄

快晚年無家倘得五湖以終

余學畫於湯子三年未得其法自謂頗得其意作畫水

歌

朱公畫山得山骨五百年來紙猶溼米老畫山不畫山晴天  
雨天堆烟鬢湯子畫水亦如此十日五日袖五指忽然倒峽  
與奔流幻出澄江對窗几畫濤畫雪兼畫冰低頭聽之聲冷  
冷老人事過卽忘却惟此欲忘心不能古來多少餐霞客誤  
落塵中人不識湯家之水米家山只在虛無縹緲間說與世  
人皆大笑五百年來稱二妙

送徐臞菴遊天目二首

送君西去踏丹梯直上青天白日低雲海茫茫看不辨一條  
界破是蒼溪

千峰竹共萬峰松古寺門前布虎蹤惟有道人逢客至登樓

一打報山鐘

李

燁

字赤茂號格齋嘉善諸生  
著物外軒稿圖越偶存

桐李

詩繫格齋居嘉善之  
西塘夙負文望老而隱居

鄧漢

儀曰格齋詩高視  
闊步五古在阮陶之間

彭仲謀出其太僕公遺像并虔州殉難諸札感贈

鬚眉裘帶儼然尊正氣長留衣帶言精衛難填滄海水刑天  
終舞帝江魂鬱孤臺畔生香草章貢江邊哭斷猿應與廬陵  
文信國同流碧血洗乾坤

上南山訪楊季平

鬱紆念隱士振策登南山南山抗飛岑游子昧術阡梢梢密  
篠披塗塗露草繁雲關既嗟峨石磴亦噴吮徑轉迷深霧途  
窮依流泉登頓盡曲折行行造幽巖碩人冰雪姿考卜寤寐  
兩折輪阡錄

卷三

安舟生李燁

寬巖館迢迢孤羣峯另崩盤白雲牖中生雷雨釐下攢嫋嫋  
錢江波漫漫大海瀾引睇有極覽游情無近歡雲錦麗陽崖  
虎豹司幽關製我薜荔裳同君松柏年

寄懷魏卜臣州來楚游

雄風南紀自滔滔千里揚舲客思豪送別官梅在東閣相思  
木葉下亭皋才同二陸稱吳彥賦就三湘續楚騷遙憶登臨  
題妙墨洞庭秋色兩爭高

史宣綸

字王言號練溪海鹽諸生著舊道草

梅里詩輯練溪為教論遇長子遇字干巷崇禎癸酉舉  
于鄉為名孝廉官于江山伯子天才純高文采風流有  
聲苑苑惜著作燬于火僅有存者

入道場山訪陳函白年丈

欲窮高士跡不覺入烟霞溪外松疑雨山深菊自花素書無



圯上廣柳有朱家此地如堪隱從君度歲華

### 遊碧浪湖

櫂入前溪路渺茫歸帆猶帶芰荷香  
白蘋漁舍看懸網黃葉秋風見牧羊  
幾處空山添野燒獨餘叢菊傲寒霜  
居然城郭黯塵隔蘆荻蒼蒼半夕陽

吳蕃昌

字仲木海鹽人

構李詩繫仲木父忠節公殉難後恨不得就死菴其居曰祗欠

國朝

順治癸巳之冬居母喪哀毀而卒有詩一

### 吳市重逢陸大立頃有贈

西風暮雨下滄浪短鬢黃花並有霜  
一問故人多宿草再來歌地是衰楊  
坑餘魯壁經猶在島外田橫客未亡  
還取青尊盡嘯昔月明歸櫂緩山塘

張嘉昇

字石渠鄧人著陶菴集

續者舊傳陝中萍社山陰王遂東天台陳木叔澄其監  
 淳寧則別廷青羊郭濬彥深查總佐方升吳惟修余常  
 邵鼎子大嘉興則李明嶽青來王翊介人王庭言遠鄭  
 雪舫灌師秀水則陸鈿韋公蔣之翹楚撰崇德則周九  
 國公飭鄧則錢忠介公肅樂忠介之從弟光緒登菴郎  
 寧國長子與先生並孫馬沁水則張都督道濬源之蒲  
 田則劉復公來吳中則浮屠大崎  
 枯雪浮屠壁竹慈其十九人  
 袁鈞曰張嘉昇之婦錢敬忠女也早卒一日敬忠少失  
 禮遂不復登其門及謝過乃復如初依敬忠居陝中與  
 破中名士及寓客浮屠相聚為詩曰萍社凡十九人唱  
 和極盛亂後各散去嘉昇以震澤諸君牽連入獄幸得  
 免乃隱于園藥籠所不取給朝夕行踪不出  
 破中其兄弟招之不歸兼工繪事風節甚高

遊廣陵梅花嶺

不到名園久江湖續舊遊有詩酬水部無月夢羅浮草色迎人媚鶯聲選樹幽登臨情未已客思滿揚州

陸

崑

字華星鄧人著雪樵集

袁鈞曰陸崑少有至性祖授以孝經跪而承之七歲能  
詩在長者側步趨皆有尺度祖年八十餘性崑侍食爲  
加餐喪母晝夜哭甚哀鄰里爲之墮淚明亡父介社隱  
於菴崑忽請曰我家明室世臣兒願得以韋布養父可  
乎父喜曰兒能如此吾復何恨族祖宇燦爲西湖七子  
之集遂引之入社崑嘗學于王家勤家勤之難門人問  
旋其間者祖賦李蒞周廣開珙聞玠及崑也崑以館穀  
養父遇母諱日雖大風雨必自館中求母所者歸陳之  
未至家鳴咽既至長慟父亦不忍聞也順治十六年夏  
海寇白寧山入東村大殺掠崑父子方居東村亂兵先  
執其父索餉不得將殺之崑跪請乞以身代遂  
死而父得生時年二十七鄉人私謚節孝處士  
苦雨山樓申旦不寐

待旦思何事披衣聽水聲拂簷禽翼重牽幔竹烟輕漁火分  
江岸鐘聲卜曉晴暗香焚靜室危坐適餘情

於潛道中

蕭條山縣氣如秋五月荒菴卧敝裘亂後蜂衙依佛火夜闌  
蛙鼓代更籌家家分水春殘月處處栽雲補破樓茶笋清供

生事足溪橋雲岫寫閒愁

陸

峻

字金文鄧人崑弟

袁鈞曰陸峻爲前明諸生介祉次子其畫得父之傳諸亦不俗以貧死

和陸右臣移居韻

支離兩脚任行藏忽厭名心事不常到處雲泉應作主此間  
魚鳥盡同鄉瓜分五色開荒圃柳拂重陰映遠岡小院風流  
步可望祇隨杖屨共徜徉

包

變

字惕三鄞人著夕齋集

袁鈞曰包變前明諸生少工詩兼善鼓琴能度曲嘗賦明月詞呼包明月絕意進取以謀食奔走京洛間登高  
平古所至有詩倦游歸環堵蕭然嘯歌不廢也

猗氏畱別荆景明

昨日同爲大梁客啾啾瑟瑟悲行役今日君歸作主人風沙

拂拭衣裳新馬前  
喚兒打脆棗爲我搗尊入城早  
自言紅顏少年日坐無歌兒不肯出  
卽今忽忽過六旬那可當歌無美人  
美人唱曲多離別與君一別成永訣  
君惜殘年不出門我亦何能遠行役

聊城曉發

連日呼燈話整鞭  
朦朧策馬出河邊  
一村人語初開市  
兩岸鷄聲半在船  
何處殘碑青草露  
誰家古墓白楊烟  
微軀莫厭披裘重  
不似江南四月天

送黃又堂試北雍

世間惟有老可憐  
可憐十步九不前  
有花還欲醉幾度  
奈無沽酒錢  
十千看來自覺少  
顏色何怪人情多  
棄捐羨君翩翩  
正年少不逐人憐  
狐白鮮閉門讀書  
破萬卷時令筆下  
生雲

烟邇來結交信知己尊前笑語皆英賢似我蕭條何足語握  
手一笑偏歎然歲歉知我益無粟天寒知我衣無綿感恩那  
在口推解一念已勝膠漆堅今日送君欲何去遠渡黃河北  
入燕明年此際春光暖馬蹄催疾珊瑚鞭我乃長安舊游客  
郎君東閣曾題箋卽今尙有一二存敢說交情如昔年借君  
好向故人語柴門日暮臨江邊數莖白髮身便老一逢醉後  
語尙顛幾欲隨人上京闕來尋司業商酒錢

朱

錢字君賞鄞人

續者舊傳先生家世多儲藏其所謂五岳軒者圖書法  
物甲於天下吳中好事家簿曰有云是物藏甬上朱氏  
者不可指屈先生清俊閑雅車騎甚都尤喜拔食經款  
客遭喪亂棄諸生使香灌花蕭然人外其鑿別古玩半  
面了然尤具神眼擬之前宋遺民則固草窗一輩也初  
避地於黃公林尋訪故堦遭大火燬喪其所有快失  
志家亦中落而一琴一硯必無下品一名一弼別有清  
思歷年八十如一日也有姬曰劉璧字崑白閩人善繪

蘭亦  
能詩

自慰

已荷天工許放闕何須繩縛與沙搏一生春夢埋頭過萬事  
冬烘冷眼看燕子自因桃李熱梅花只守雪霜寒點金未敢  
勞仙指願乞人間辟穀丹

李

蒞原名允升字山顏鄞人

袁鈞曰李蒞為堂之後隱居自適中介外和少從王家勤學家勤蒙難蒞周旋紫輿甚力隱於畫工山水蟲鳥下筆有神陸寶尤稱其詩以開李文縝之亞也

山居

亂雲松逕裏聊託一枝栖樵汲憑諸子炊春仗老妻不須謀  
脫粟兼喜足黃蘆草榻軒眠穩鄰雞任蚤啼

魏

壁字楚白後更名鼎字白衣慈谿人歸安籍諸生著息賢堂前後集

兩浙輟軒錄卷三

朱氏李蒞魏壁

朱翁尊曰白衣僑居吳興別鮮山爲晉沈頌沈聘選地  
所居有渡曰息賢遂以名其堂其論詩云詩以達情情  
貴極其所至故樂必盡樂哀必盡哀由唐以前諸家體  
不必相蒙而其爲至則一也余之於詩初無矜飾務達  
其情凡博奕飲酒朋友酬酢以至山川風俗城郭之所  
歷覽遺跡之所辨證難然前陳有觸於懷發之咏歎以  
爲合於作者不能自已之旨此則余之所自道已故  
其中年專學子美末年專學太白惜乎未見其止也

梅里宿屠爨宅

汝髮黑如漆吾頭白可憐  
恩恩逢上巳袞袞話當年  
月落吳關樹春深橋李田  
明朝須解纜不放老夫眠

金

鎮

字又鑑號長真山陰人宛平籍前明崇禎壬午

鄧漢儀曰使君向守汝南有清美堂初築之刻更選定  
何大復詩集行世蓋風雅一道寤寐以之茲移守揚州  
值時事倥傯情懷少減而過景輒賦莫不標勝探幽詞流敏手

與僚屬登城議修葺

落景橫西山奔流響前溪  
荆枳彌廣術指點多所悲  
南望箕



阨關北眺鵝鴨池古來橫戈地雨雪猶霏霏今我不爲備後  
來當俟誰在德不在險斯言徒我欺匪惟勤職守祇是寧嘉  
師固圉有同心經畫庶無遺

次定州寄何石公內兄

時石公爲完縣尉欲爲故友開  
立凡謀歸觀二君向客余閔鄉

中幕

鼎湖舊好惟君在一尉蹉跎鬢未斑千百里程空寄札十三  
年別未開顏已慚長者存心厚欲護貧交旅櫬還此日郵亭  
聊駐馬可能來話綠楊間

渡江至京口作

伐鼓臨江放櫂行江雲黯黯欲相迎樓臺樹壓山平出蘆荻  
風迴潮漸生落日西津同作客新年北府又增兵匡時無計  
聊舒嘯鷗鷺全能減宦情

兩浙輶軒錄卷三

金

去

張

陸

字登子號小隱山陰人官延

紹興府志陸為元祐之會孫明末貢生崇禎庚午歲大饑李督裁陸為元祐之會孫明末貢生崇禎庚午歲大國朝為鎮江推官力清積弊耿逆叛隨征入閩授延平同知又署邵武府事陸多方安輯以勞瘁卒于官士民哀之請祀名宦工詩古文有集行世

經雁門關

重關高峻勢嵯峨傑閣天開有雁過六月寒風吹客袂三春衰柳徧山坡泉從絕頂分溪澗雲到中峯隱薜蘿每憶當年邊戍苦烽烟無警荷戈多

蚤春送周撫園侍郎歸白下

和風催岸柳曉月起巢鳥去路千山繞生還匹馬孤笛聲流塞曲春色滿江湖好向秦淮上清尊映綠蘆

何嘉廸

字惠開一字真山陰人

鄧漢儀曰昔靈先生節烈足垂青壤子惠開克承堂構  
高鸞湖山年未五十遽爾云亡令季奕美以遺稿示予  
讀之深憫其志蓋不獨歟

其詩篇之嬌麗英愷也

人散後大雨懷道安叔  
不得飲君醉相看落日低人歸殘照下雨到亂峯西暗樹吹  
懸酒奔流灌小畦為憐作賦客隔水自雞栖

姜

梗 曹山鐵夫號桐柏會稽人著

定山堂詩集送姜鐵夫詩曰東海姜公子詩名鄴下傳  
朱琴弄古調霜角警秋天酒罷登樓地燈深讀史年多

情還涕淚官

柳玉鞭前  
鳧亭詩話青山吟鮑謝紅燭為莊騷余鄉姜鐵夫之句  
王漁洋極賞之然猶着色不如其美人五湖去夕陽飛

鳥還淡

而彌有  
孫度曰府志載國初以來詩人云諸生則姜梗云云事

蹟未詳越風止存二首茲探得飯債居詩一卷為同邑  
輩吳憲選刻樂府五古直調上游五七律雄渾中時見

流麗落照云

參三

張陸何嘉迪姜梗

七

葉落淺水稻花香七言如曹山云樵徑漸移殘照外人  
家多在石溪邊雨雨留宿云小澗板橋風雨夕疎簾燈  
火讀書機殊耐人吟誦

冬日偶成

高樹向檐低藤蘿遶屋齋天晴數行雁日午一聲雞破雪鋤  
春菜開冰試早犁南鄰嘗臘酒竹杖過前谿

丙辰元旦

野鹿護松關新年惜舊顏朝餐充白髮懷抱對青山雞唱呼  
兒起籬開放犢還乎安慰妻子兵甲滿人間

贈劉興父

海內詩名久年來酒力高青山吟鮑謝紅燭寫莊騷明月三  
秋興春光一布袍還期秋浦上蓮葉訊吳舸

偶興

出自城東北遂登歌舞山美人五湖去夕陽飛鳥還碧水縈  
裙帶名花似髻鬟至今溪上石遺恨向人間

過董吳

江郭梅花白來登春草亭讀書長日罷高卧衆山青沽酒邀  
田父攜鋤帶曉星他時卜鄰好石上采松苓

落照

落照秋山下潮來小艇歸片帆投浦疾獨鳥背城飛稻白藏  
村遲霞紅見野扉蒼茫烟渚外愁絕更依依

董

瑒

字无休原名端生字叔廸  
會稽人著有學村閣稿

越風先生五歲而孤十歲慨能詩文受業戴山劉公之  
門校錄遺書學窮根抵度嶺南王元俤陳元孝咸重其  
詩稱莫逆交

送同學還建業兼呈陳元孝

見君無幾值君行惜別因思君弟兄五嶺烟雲輕載去六朝  
風雅舊宗盟香過野岸花分候路出江皋鳥變聲到日若逢  
陳大在道余將出趙陀城

早春送楊栢遊高涼

幾日流連意自長鳴鞭又欲赴高涼時因醉酒憐吾放每共  
吟詩就汝商萬里知交仍聚散十年身世總荒唐無須更誦  
江淹賦到處烟波似故鄉

譚

宗

字公予初名立卿字九子晚號曼方野老

國朝

詩話

餘姚人著變嫺草南征雜詠曼方切集

樓唱

西樓

錯夢極宛轉俄有人起自鄰座摘其中某字

猶未

穩負

氣不相下繼詢其人即譜曲之袁穉庵也遂

相與

登西

樓訪移素嶽時素嶽已白髮矣詩載倪繼宗

續姚

江逸

詩如宋石磯夜泊起數語云得名縱有數發

生自

奇特

下臨水蕭蕭上飲翠滴滴縱不遇謫仙亦必

案有致

呂裁之曰曼方於世妙所可居恒好詩古文詞精于六書又善歌曲及鼓琴篆刻暇則出遊好潔其衣裳子夏之冠道碑之服望

而知為曼方也  
陳焯曰公子曾客揚州飲李寅家值俗客至徒坐而壁待其人法方入坐善書不如共意雖厚幣亦却

### 湖陰草堂

為耽郭北千畝水結得湖陰一草堂四海風流歸研席六朝佳麗見兒郎開簾竹葉青雲墜下榻梨花白雪香但上山樓看不極鐘聲動外有斜陽

戴慶華字紫絲號絃齋臨海貢生

陳焯曰絃齋與馮嵩庵司寇中表弟兄幼同籩火絃齋每文成嵩庵自以為不及康熙甲寅耿逆之變偽陳破養性進偏郡城我師畫江而守絃齋上書千餘言陳破仙居從茅坪過師黃巖之策王貝子用之遂大破賊乘勝復溫州耿逆以平然絃齋未嘗自言功也晚以明經佐嵩庵修郡志絃齋先有高足陳生故張如庵哭復注孝經小學易贊時付其高足陳生故張如庵哭絃齋有寂寂元亭今莫問會將遺稿付侯世之句

### 兩浙輶軒錄卷三

譚宗戴

大

志館和韻

風流陳謝有遺書  
丈室同緝論古初  
自愧小儒遊稗海  
全憑太史志河渠  
升沈世運三元復  
感慨關山百戰餘  
文獻只今欣已續  
文翁雅意未全虛

陳達德

字大孚義烏人官遼陽知縣著

吳之器傳畧曰大孚平生好險索偶得卽記之累累皆  
長吉錦囊中物也嘗爲余誦其得意之句如詠邊云驚  
鷗馬首搏沙去寒月烽邊點雁來題關壯繆廟云中原  
陵寢全無漢西蜀英雄獨有聲意色自矜然皆未見全  
篇聊志之以見其  
超軼不凡之致  
魏象樞詩序畧曰余生平好遇異人癸巳冬遇陳子于  
晉邸與司馬衛邵孫先生昆玉善來京師年已長矣而  
視聽強健啖飯過於恒人心竊異之及與之談則自割  
占象絲陰陽地理兵法屯務河渠漕政以至性命與交  
之皆人事情偽之變莫不批郤導窾言之娓娓動聽余  
則歎以爲天下之異人也未幾應募司農治獎過宜武  
門與余別酒酣就道惟車一乘馬一匹僕一人書數卷  
而已遂與百人者出關而東其詩靈澹蒼秀在唐人中



似高

達夫

金華詩錄陳達德慷慨負意氣明季以前生授潭安訓

導遷蒲州學正府薦令丙城遭亂僑居曲沃

國朝定鼎遼陽置縣令能招百人往者官之達德率百人

以應授遼陽令勤勞開招商賈興文學逾年政化大行

詔承襲蓋異數也

和問石術先生重遊景明

更擬搜奇圖草萊嵌空巖壑巨靈開懸流欲汎仙槎上飛嶠

疑從雪嶺來呪鉢泉清腥舊蛻燒丹洞古灼新灰千秋謝傳

風流盛掃月重登白石臺

魏學渠字子存號青城嘉善人順治戊子舉人

橋里詩繫青城順治戊子舉人除成都推官時蜀道荒

涼務以撫綏為政重定嘉督邛雅賦頡頏民頗德之擢刑

部主事贖魏女之沒官脫丁生之謗獄轉兵部郎擢湖

廣提學後補湖西道題歸學渠僕慨好施祠城錢澄之

域其惠有詩曰還家擬建康青閣從此飢驅不出門武

林汪繼昌以所贈築園江干名曰魏園黃宗炎求買山

兩浙輶軒錄

卷三

附錄

卷四

五

之助出紙襖置其袖視之則黃金一  
塊也他率類是著有青城山人集

經吳賊

疎柳高梧傍客舟  
闌闌城上角聲秋  
風吹白紵清砧急  
月上紅欄暮笛愁  
草碧吳天迷北望  
潮平越水向南流  
行人無限滄浪思  
幾處笙歌繞驛樓

松陵道中

清川今再涉客路  
獨銜杯一鳥橫沙  
渡千帆擁樹來微  
風拂岸艸細雨濕  
江梅愁見燕田沒  
滄波未擬回

袁

英字子一號邱園新城人順治  
己丑進士官清州府同知

弔沈烈婦

乙酉十月文學沈  
薦夫妻陳氏被俘  
至搖車嶺投水死  
僕乞免亦被害鄉  
里義之

白雁悲鳴霜氣冷松風淒斷搖車嶺紅顏慷慨赴清波義僕  
哀詞長跼請願貸主死不惜身主死亦死血染塵東山明月  
塔山雨夜夜啼鵲愁煞人

范

初字祖生號熊巖山陰人順治

山陰縣志初授南康推官興復白鹿書院編葺匡廬  
名勝志有惠政秩滿遷廣信同知修葺鵞湖書院康熙  
己亥海氛入犯百頭城奸民聚衆結塞初親入賊營論  
令解散著錄于集記其事解組後著冰玉事紀柳潭枕  
言蕭郎踏述諸書嗣產  
五色芝越士歌咏成帙

山月篇贈章含可

文種山頭月如缺高館笙歌猶未歇美人窮巷久沈埋一旦  
光輝動吳越與君結髮稱弟兄君文騰蹕日有名垂天六闕  
那可遏颯然萬里扶搖生余也倦遊悲寂寞十九人中空碌  
碌已知棄擲等秕糠何意神仙聯李郭君不見黃河百折仍  
南折輜軒錄卷三袁英范初

向東澗涇清渭咸相從孟郊自有看花日長吉何須賦蘭公

陸濬睿

字以愚號未庵不湖人順治丙戌舉人授宜府推官

攜李詩繫未菴爲長庚之孫授推官時宜府逼居幾上惟以寬簡治之出冤民輩加世等置悍弁徐世志于法未幾解綬歸郊居閒放陶然賦詩前後所著彙成十刻行世

小游仙詩

九轉丹砂在玉臺朝過弱水暮蓬萊  
騎龍不再來  
騎麟佐酒無人識從此

半竿釣月不驚鷗神在層霄影在舟  
有客誤將漁火喚數聲

長嘯洞庭秋

楊一完

字我皆永嘉人順治戊子舉人官遂昌教諭

雨泊

坐聽中宵雨鄉心入夢遙宿雲栖野樹  
遠水接江湖好友誰

同伴仙舟喜共招愁城猶未破餘響在芭蕉

黃象雍

字薛侯一字靜涵鄆人順治己丑進士授行人典試廣東遷禮部郎中

續著舊傳儀部善填詞有屠長卿風

辛丑逢兩七夕

林端新月映方池良會驚看大火移蟾魄欲分丹桂影蟲聲全繞碧梧枝未經雲漢愁先破重到河橋事亦奇分手不須悲此夕秋來贏得兩佳期

周曾發

字世培慈谿人順治己丑進士

袁鈞曰先生為明參議旋之後釋褐選庶吉士改戶科

給事中時大工方興疏請停止又以停用職船採木為

民累復陳其災吳三桂入川擅作威福委署州縣不一

征西軍餉開銷多目濫皆疏劾之直聲著聞轉禮科用

兵之後各省多以災殺告先生疏言有司之履勘宜速

開報之分數當清左都御史魏公象樞嘗曰周給事可謂

塞謬謬不愧言官矣以疏論劉正宗入相出為充

東道副使曹濮多益先生下令許其自新就撫者二百

餘人不後者發兵勦之斬數十人餘黨盡解河決氏多  
流亡先生勞來安集乃復業以許當道被劾歸川陝用  
兵有薦起之者辭不赴

詠郭烈婦

烈烈女中士中情洵自芳容顏擬春華志節凌秋霜婉孌事  
君子淑慎奉姑嫜自謂固膠漆相好無相忘一旦妖氛起鸞  
鏡忽掩芒見父知何時辭夫良足傷淵泉一以沈河漢永相  
望貞心照止水千載揚幽光

張士甄

字繡紫鄆縣人順天籍順治己丑進士出翰林歷官吏部尚書

贈程石門

炎嶺天南路看君萬里行相如曾檄蜀潘岳又從征蠻女簪  
花舞淪童竹馬迎自來才子意多肯事縱橫

范光文

字潞公一字而應鄆人順治己丑進士官吏部文選司主事著天一閣集

袁鈞曰范滂公爲前明兵部侍郎范欽之曾孫初授禮部主事主試陝西遷吏部文選司判決精敏案無留牘嘗貸貲贖同里董文和妻孥之沒入旗籍者人高其義後以劬直罷歸

避雨天竺見心閣晚別

樹杪飛來萬壑鳴夢魂亦作夜濤驚偶因風雨暫停處寫出溪山無限情林際長松清影合巖前高閣暮雲平芒鞋竹笠添游興一路看山趁晚晴

范光遇

字逢年號會齋鄆人順治

袁鈞曰范會齋初授府推知縣值兵燹後戶口多逃亡其丁賦責居者代輸會齋援籍申巡撫奏蠲之遷常州府同知嘗攝立典獄奸民之冒旗軍者其黨諸諸大帥幾得禍又嘗署府事出冤獄四人遷兗州知府革私耗恤驛遞葺學宮甫八月以常州道試降秩歸

登天封浮圖次林殿颺太常韻

梯雲直上恣凭闌金碧輝光赴筆端隔嶺綠蘿牽樹出滿林

紅葉帶霜殘東臨杲日扶桑暖西拂驚濤海水寒無限雲霞  
看不盡頓教眼界一時寬

范廷元

字調垣一字掄三鄧人光遇從子順治己丑進士官江安糧儲道

袁鈞曰范調垣素敦內行事伯父光遇如父有良田幾百頃念古人大功同財之義與從弟廷魁中分之人以難為

登天封浮圖次林殿颺太常韻

縱日中天七寶闌登臨真覺倚雲端遙聞仙侶詩無敵欲到  
禪宮興已殘眼底波濤連海濶簫前風雨入秋寒自慚未及  
陪高會獨忽清狂禮數寬

許鴻儒

號象坦太平人順治己丑由貢生官羅城知縣死難贈廣西按察司僉事

陳焯曰鴻儒知羅城攜弟季然及子承吳承薦之任承薦道死季然歿于賊公宰縣一期會季然定國之亂省會告變定藩自焚羅城亦陷與子承吳皆不屈死父兄子弟相率之官無一歸者姻戚季冰軒挽詩所謂四人誰



家聞淪胥無一存雖得忠孝名其如生者冤也至甲午

仲子圭萬里奔喪哀請  
卹典得贈愈事  
子祭葬蔭一子入監詩僅傳一首

寄季劍庵妹倩

君向羊城我桂林片雲遙隔萬山岑  
嶺梅月落蠻烟黑湖草春濃瘴霧深  
赤子龍蛇俱繫念綠林豺虎各驚心  
南荒累月無消息愁絕霜毛兩鬢侵

馬

鎮

字地侯一字又范臨海人順治辛卯舉人官龍南知縣著寄石草南野集

陣綽曰鎮知龍南居萬山中政清訟簡民不知有官理內閣中書赴補率干道

和應先生開先入康谷韻

露下空山白拈書擁一牀高懷松月近靜夢曉雲長  
啟戶看馴鶴彈琴想望羊此中堪隱逸應便老柴桑

喜何若連南歸因簡石湖

地遠天荒歲暮回頻年愁緒爲君開一尊遙對南山雪萬里  
驚看午夜梅親友深情歡再合弟兄笑語慰初來經春草向  
池塘綠幾許新詩入夢裁

董宗城

字子長餘杭人順治辛卯舉人官陝西甘泉知縣

將之建平畱別同學諸子

送別吟詩興不孤紛披老筆已先驅誰將燕市同酣筑自笑  
齊門亦濫竽破恨肯輸餘子健凌雲終遜列仙羣他年解組  
歸來日共看天邊種白榆

金漸皋

字夢蜚仁和人順治壬辰進士官漢陽知縣有怡安集

邗江

畫舫南遊錦纜移垂楊望有萬條垂二分明月仍今夕十里  
珠簾異昔時回首鄉關迷咫尺頻年踪跡媿支離可憐揚子

橋邊水只與征人照鬢絲

查培繼

字王望號勉齋海寧人順治壬辰進士山東莒州知縣官至按察司副使

俞寶華曰查培繼山知縣歷兵戶刑三科給事中出為饒九南道按察司副使數年政政錯

和陸辛齋吳越故宮詞

羅平妖識竟何如江上遺踪百戰餘  
躑躅花間紅燭漫依然

陌上響輕車

使院碑殘舊蹟空至今文采說江東莫將金榜論名字甲第

朱門自曉風

錢捷

字月三一字陶雲象山人順治壬辰進士官江蘇糧儲道著暢餘堂詩草

袁鈞曰錢陶雲釋褐授岳州推官治行第一內擢歷吏禮刑部郎中與試廣東督學貴州出為參議理江蘇糧儲告歸有暢餘堂詩草多殘缺

新安太守曹冠五招同孟繼美少參施愚山參政曹廣

如孝廉飲於斗山亭時愚山欲遊黃山以詩贈別步  
前韻奉酬兼東諸公

高閣飛雲照碧流  
銜杯問月倚城頭  
捲簾欲雨巖光暮  
列嶂如屏風色秋  
別去於今樵谷遠  
相看不厭敬亭游  
聞君先有黃山興  
說與同人解客愁

辛酉將赴黔中寄家金陵臧舟石城有感而作

石城終古傍江流  
蘆絮新黃已半秋  
日落嵐光生水際  
風吹月色過船頭  
片帆欲挂心猶住  
萬里將行夢是愁  
豈憚此生于役苦  
逡巡不爲路勾留

錢

裴

字子輔嘉善人  
順治壬辰進士

傅李詩繫子輔八歲賦入燕  
詩登進士後築菴園以老

張麗華臨粧池

美人厭照青銅鏡獨向池頭整雲鬢迴波兩兩自相憐玉面  
紅妝雜花映一朝敵騎渡江來頃刻鴛鴦逐水開美人一去  
無消息池水春深空自哀風流亡國終難省泉咽聲聲怨高  
頻君不見後庭玉樹聲未銷馬上還歌清夜永

張

翼

字燕及郡人順治壬辰進士官刑部郎中著深柳堂詩集治蒲草

袁鈞曰先生釋褐授肥鄉知縣縣多盜爲均里衛嚴保  
甲盜漸衰止地濱漳河久淤而決先生庀工築隄露宿  
水次爲文禱於神一夕大風沙漲決口工築而  
塞民皆異之入爲刑部主事遷郎中以憂歸卒

輓前通守喬還一

峩峩喬嶽名山宗赤文綠字元夷封窮幽極祕太乙鎔中產  
異人應呂鐘星經漢緯羅心肖旁蒐名象歲月窮雞鳴風雨  
千戈衝閉門滴露忘朝餐茹騷吐雅何脊容學優強仕經術  
通三年別駕道自隆交章爭薦達

帝宮

帝重經師車服庸伏生口授高壁靡四方負笈方景從耄期  
無疾旋考終風雨蕭蕭壠頭松故人來酌春酒濃野祭更有  
石戶農願將短筆傳高風雲車彷彿來長空嗚呼杖屨何時  
逢

陳可畏

字伯聞諸暨人順治壬辰進士官御史兩淮巡鹽著思補堂集

晤余侍御

少年騎竹馬此日跨青驄豈有形骸隔終緣臭味同月華臨  
水白燈焰眠窗紅一夕慇懃話城頭漏已終

王錫琯

字又教永嘉人順治壬辰進士官禮部主事

芳草

花落黃陵路欲迷天涯回首更萋萋雨餘南浦春初到人對

東風色正齊  
展前幾回經古渡  
裙腰一道過長堤  
王孫歸去  
年年綠莫把芳心踏作泥

陸元旭

字鶴田平湖人順治壬辰進士官江安縣儲道

構李詩繫崔田擢御史遷冀南道服闋補江安縣儲為羽士東方且波累徙謫以終

和東坡西臺簡子山韻寄永錫弟

街鼓沈沈倍慘淒  
碧欄干外月初低  
關山隔斷兩行雁  
砧杵敲殘五夜雞  
遠塞定憐驢背客  
故園何處鹿門妻  
案頭書牘都看遍  
又夢疎鐘出掖西

周明新

字菊人象山人順治壬辰進士官上科給事中庚子主江西試

袁鈞曰菊人先生為都諫數年先後封事四十餘上如國寶政清漕蠹肅計典嚴濫委酌督臣之駐劄紆茶馬之虐政皆切治體考最待次京堂官以假歸道卒

贈家初岳先生

長安車馬日紛紛拂袖林泉尚有君却喜衆山晴向戶每逢  
佳客醉書裙四時逸興看花木一片閒心對水雲鄉國卽今  
稱大老好將黃髮重元纓

徐上扶

字鵬九鄆人順治壬辰進士官國子博士

哭太原通守喬還一

連宵噩夢自驚猜征雁傳書萬里回但說至人誰不死可憐  
心事已成灰幾年宦跡如流水何日天涯更舉杯尙有家風  
傳孺子隻雞斗黍墓門來

張

苗

字文茂號靜巖嘉善人順治壬辰進士由刑部主事累官安慶知府著學心堂詩鈔

攜李詩繫靜巖由刑部轉禮部擢知安慶治郡嚴肅肯上官意罷歸

盆柏

盆盎綴古色蒼枝依碧苔纔成方寸質已具棟梁材



張

標字嗣雷海寧人順治壬辰進士官許州知州

秋夜感懷

年華一擲感蹉跎搔首難禁醉後歌客思不隨砧響斷秋光  
半入月明多梁園舊夢千林落海畔寒雲一雁過似此遊踪  
已淒絕極天風雪更如何

陳容永

字直方海寧人之進子順治甲午舉人

咏史

宣宗十載稱神武一日居然了萬幾玉璽自從慈極授金戈  
親掃塞塵歸詩成西苑方垂釣兵下東藩早決機聞道三楊  
曾補闕晚年遺恨在椒闈

蔣雲翼

初名會真字鳴大嘉善人順治甲午舉人官涇縣知縣

無題

兩浙輶軒錄

卷三

行止壯遊記

三

盈盈十五勝吳姬  
碧玉瓜期此一時  
新蝶愛花常護粉  
春蠶作繭漫成絲  
不看湘竹愁仍結  
卽化巫雲夢豈知  
惆悵臨風無限恨  
明瑤何處解相思

徐元榮

本姓林字道力海寧人順治乙未進士官翰林院編修

經譚仙嶺

策杖踏危磴  
木落天氣清  
空山少人跡  
但聞松竹聲  
經冬澗水落了了  
重湖明荒祠  
一延佇彷彿遊金庭  
我欲招仙侶縱談物外情  
仙侶去已久樵牧空  
自行回首來時路  
紛紛紫翠橫

陸翔華

字季冲嘉善人順治乙未進士官廣德知州

舊李詩繫季冲歷官州牧均有惠政及人

竹

生長貧簪谷移封瀟灑侯園亭先却暑風雨易成秋直節憑誰取虛心向爾求離離芳實好只許鳳凰遊

周宸藻

字端臣號貫菴嘉善人順治乙未進士山陰人

樸李詩繫贊菴官御史著柿葉齋自東客遊諸集淮盡別諸弊旋謫歸與錢龍門孫子殺曹顧菴郁衷恒沈止居盛筠齋輩仿者英會以詩酒為樂

張穉恭中翰招同高念侶副憲王蘭陔水部湖舫宴集

晴湖如練水雲收折筩蒞招興白園幾處柳陰遮畫舫誰家花影入朱樓回思聚散憐佳會過眼風光感昔遊獨立斜陽

頻懷望乾坤極目是滄洲

楊應標

字勝林號南城嘉善人順治乙未進士由

薦李詩繫南城初官寧國推官缺裁改補溧陽縣令再知縣陵縣事皆有政聲又劍川知州抵貴陽以病乞歸與王漁洋為乙未同年又同為推官故王集中有別楊勝林詩

兩浙輶軒錄卷三

徐榮陽華農藻楊應標

天

靜夜吟

夜靜羣動息獨坐起遐心古往今復來歷歷羅宵襟守貞道  
所貴回適衆乃任滔滔江海流一往不復禁窮巷罕過轍寂  
寥鳴素琴長松挺孤秀何憂霜雪侵

李燧升

字日生一字心進鄆人順治乙未進士官漳州府推官著心聲集

姚江夜泊

夜半潮流尙有聲疎鐘初度水舟橫接天雲影連江濶散地  
星光逗水明一葉自隨清夢穩孤帆又趁曉風輕此身已習  
漁家樂好共烟蓑隱姓名

邵仲陟

字子猷鄆人順治乙未進士官明部司務

續者舊傳司務最有厚德萬李野墓府志列之於醇德傳可以想見其人

登天封浮岡次林殿颺太常韻

聳身天界一區分  
匝地飛鸞傍落暉  
僧定不聞潮貝葉  
波迴遙見舊荒墳  
城陰戰馬秋還壯  
郭外寒烟夕漸分  
乞得津梁誰借問  
隔江漁火亂松雲

俯臨城闕瞰遐荒  
面面平開野樹蒼  
鈴角度風疑說法  
輪尖凝日却迎涼  
雲封舊恨千山暗  
雁帶新愁萬斛量  
何意僧歸禪院寂  
旃檀空際尚焚香

謝泰定

字時慧鎮海人順治戊戌進士官東城兵馬司指揮

別范陽父老

范陽道衝三輔陸  
分符一命來司牧  
車馬絡繹如轉環  
送迎來往同臣僕  
土瘠民貧供應繁  
瘡痍瘵堪蒿目亟  
思努力爲扶衰掣肘  
難爲民造福弭緝盜  
逃功令嚴釐剔弊奸  
官謗速茹冰囓雪自禁  
持履薄臨深時蹠屐  
所喜民人多樸醇正

供不必煩敲撲行楊塵積闕固空飢寒弗憂便鼓腹到衙十  
月事更翻新令改官舊令復行李只須半橐肩竹筒惟餘舊  
衣服野民負擔給蒸薪壓市餽遺有粟肉衆庶何曾享樂康  
口碑到處煩尸祝家食猶餘數頃田一官不飽三時粥多謝  
東京賢主人予我渠渠有夏屋半載周旋惠愛深分甘澗澗  
同親睦謁選伊邇得房山百里推遷猶轉轂敢爲藉手告後  
來三代民心茲可卜

虞二球

字天玉定海人順治戊戌進士官至兵部郎中

袁鈞曰天玉先生釋褐除安化知縣以淳靜爲民所愛用薦擢兵部主事進郎中出爲江南學政罷歸

寄爾昭族叔

幾年驢足老征途傲骨曾歌長鋏無兩地清光秋水映一般  
鄉思故園難得閒對酒心猶嬾憶昔聯牀興未孤銀漢高懸

金氣蕭涼天正好泛晴湖

張

超

字伯升號樂持桐鄉人順治乙未進士官華亭知縣

秋夜聞鄰人鼓瑟

露冷梧楸玉杵催誰攜寶瑟漫徘徊無心自譜鶯鶯曲有意  
偏添鸚鵡杯拂拂梁塵飛綺柱離離鳳影落鼓臺高堂夜永  
清輝徧疑引瀟湘帝子來

唐彥卿

字闕思烏程人順治乙未進士

同道目和尚遊福山寺禮石佛

法相一拳石寺門人跡稀屋頽苔蘚長牆缺薛蘿圍幽草分  
花徑孤雲護竹扉遠公如卓錫佛日可重輝

范廷魁

字分五一字殊農鄞人光遇子順治乙未進士改庶吉士授檢討

登天封浮圖次林殿賜太常韻

爲愛中天一利分徘徊不覺對斜曛欄杆隱約當空山鈴鐸  
飄揚入夜聞蓮座清風吹細細講臺紅雨落紛紛安禪喜得  
天龍會噓氣都成護法雲

謝包京

字令及永嘉人順治乙未進士官陽武知縣

賜湖卽事二首

遂與車塵絕茅茨物外懸衆山皆突兀一水自淪漣秋葉憐  
衰病春花感盛年倚闌無俗事小筆賦羣仙

卽此是田家林塘竹徑斜罷栽彭澤柳來種邵平瓜倚杖看

流水攜尊對晚霞灑然婚嫁畢五嶽未爲賒

董允懌

字容亦一字邁齊鄆人順治丁酉舉人官鄆陵知縣著晚香樓集

袁鈞曰邁齊初授古田知縣重修朱子溪山書院捐貲

置田延宿儒講學惠民有異政將遷以父老乞終養外  
艱服闋補鄆陵知縣有  
築城功兩縣皆祀名宦



壬子秋月

每羨淵明歸去來侯門稚子幾徘徊敢忘

恩遇耽泉石爲逼衰齡戀艸萊泊水多情難  
忍置龍山招隱漫相猜十年宦拙慚無補  
贏得臨岐酒一杯

桂載錫

字天培慈谿人順治丁酉舉人

江亭

野樹四圍合江亭暑不侵風牀閒却扇石几靜  
張琴掃徑期佳客安禪了俗心柳陰蓮競放  
香氣襲衣襟

陸象震

字幼起號陶菴瑞安人順治丁酉舉人

過君子石懷林介夫先生

拾級度層嶺盤旋如鳥道捫蘿躋其巔極目窮  
蒼昊俯瞰下江流雲烟生海島草深鹿子肥  
壁峭松鱗老中有學道人介

節自矯矯雅愛此林邱俯仰罄懷抱高談玉屑飛千載猶傾  
倒石上青苔生遺傳書帶草余亦仰高風山中薦蘋藻

高斗階

字六平鄞人順治戊戌進士官福州府推官

會葬葉度可推官用方先生鵬九韻

一片韶光付落霞墓門松柏影交加貞心不與身俱化故友  
相思願總除千里暫邀閭海月百年高卧甬江沙風塵滿眼  
天難問笑指扶桑幾度花

金

良字潛希鄞人順治戊戌進士官長汀知縣

登天封浮圖次林殿賜太常韻

天半翬飛聳畫闌追隨杖履蹠雲端鼉鳴澤國聲初壯磬落  
祇林韻未殘星列女牛河漢近地分吳越海風寒今朝初覽  
滄海曠疑泛仙舟浪渤寬

沈

璇

字亞斗號巨門錢唐人順治

蔣州曰巨門爲人著有巨門詩文集  
解紛學士曹本榮其座主也至揚州病亟巨門蒲伏奔  
赴歿則經紀其喪以歸友人楊生以註誤罹法巨門力  
救乃免有賈人女辱于強暴巨門代爲申理賈人欲以  
女獻正色拒之遂不與相見  
詩文雄贍尤長經世之言

野老悲

黃河奔流帶風亟艤船欲歸歸不得茅屋孤村三五家雜沓  
輪蹄同偃息中有老人入十三泥垢肌膚癢似刻亦知拂拭  
向人歡手進村醪與菜食食之甘美真如飴肉食之人總未  
識爲問老人人生幾男言有三男不得力大男長大已成人能  
向東阡藝黍稷次男三男初長成肯執犁鋤治溝洫一日飢  
荒降白天連年兵火頻相逼荒村飢餓人食人大男蹭蹬遭  
人賊次男飢餓不出門踰牆刀刃加胸肋三男疾病已垂亡

骨肉分齋人似織熒熒飲痛哭無聲幸得衰癯免禍慝有孫  
三歲匿草間賴天憐念能匍匐迄今一十有八歲生死存亡  
安可測猶記初生隆萬間野滿桑麻無菜色當時身受不自  
知過後思維徒反側哀哉老矣復何言但願孫兒少蘇息草  
野無復不良人在朝朝官能盡職聞說朝廷猶用兵庶幾太  
平時在卽

濠中贈宋聞遠

問君君是宋家郎湘中明玉聲琅琅三江滌思劉仁裕百軸  
馳文陳子昂引酒勸君君莫辭勸君莫負少年時清風一榻  
窗前竹明月三春花下詩

俞

姓

字吉人號望吧餘杭人順治辛丑進士長沙知縣

餘杭縣志性初生時母夢魁光繞室因名魁後改名姓  
率長沙有吏才卒之先指空中曰有魁光引我吾逝矣

賦贈琉球冊使

使節迢迢萬里船  
萬衣過往皆裘還  
裘輕陸賈行程速  
傲擬相如遠徵傳  
豈度支祈排雪浪  
非求象罔入珠淵  
歸來寫就東方傳  
未許何人得註箋

俞廷瑞

字雪巖奉化人順治辛丑進士官當陽知縣著南征草

袁鈞曰雪巖先生初授縣知縣均賦便民後以累誤失官會川廣川兵特起知當陽縣縣小寇通且苦供軍先生區處有法士馬飽騰民皆安堵葺學宮建書院士風振起當陽向有水怪先生爲文禱于城隍之神遂絕巡撫將不次薦之以疾告歸

清江浦

客路天將暝孤舟且自行  
人家依水住燈火隔江明  
風激濤聲壯雲迷樹影橫  
如何關下吏不識棄繻生

謝

淳

字謨先杭州諸生

遊趵突泉

歷下多名泉趵突名最顯三穴來王屋湫流千里遠波駛若  
珠飛濤湧如輪轉初疑河漢落俯視冰雪卷丹房沈青靄碧  
殿映清淺而我慕勝迹登臨意無限樓中千山入窗外竹依  
阪悠然似仙境渺爾與世斷矯首見黛色光耀層城晚吾願  
飲瓊液暫得滌塵眼

吳亢宗

字次公  
錢唐人也

城南眺望

城南眺望興如何徙倚愁懷且放歌橘柚紅顏霜後變江湖  
秋水晚來多孤城細雨聞傳柝古道崩沙見荷戈蕭瑟平生  
慚杜甫但驚蓬鬢已蹉跎

何志清

字若漣臨海人絃度  
弟諸生著草堂雜稿

陳焯曰何苦遮身罹黨禍皮蒲歸家游  
滇蜀百粵間北老而豪邁之氣不少遜

遼陽依韻答仲兄見寄

路出陽關別有天  
隴頭流水正潺湲  
黃雲重暝邊笳合白日  
橫空塞草連骨肉  
深憐人而改風波遙憶歲華遷  
漂搖踪跡憑誰問一望鄉園一黯然

葉臣遇

字孟美號脩卜臨海人官郴州知州著  
識小錄越吟北遊日載今又同合集

陳焯曰臣遇初知涪江寇平紀功陞泰安知州會遇地  
需才改郴州甚著治績以母老請歸養旋薦舉博學鴻  
詞居鄉多收刻先輩名賢集卒後崇祀鄉賢

渡黃河道中作

又向淮陰戒曉途  
天風颭颭客心孤  
沙飛白日山楓冷水落  
黃河寒草枯  
時輩豈能容傲吏  
吾徒但可效潛夫  
笑騎驢背衝寒去  
驛使梅花信有無

邱九思 字君微號夢鶴太平人

陳焯曰邱九思在明末授迪功郎不赴選遊湖海結交多閩人

秋夜懷楊龍友

風凋梧葉忽驚秋唧唧寒蛩夜未休會記分財同鮑子更憐  
識面比荊州蕭疎蓬鬢千絲改潦倒萍踪一葉浮傳語蕊珠

宮裏客花前月下總離愁

陸曾煜 字章之會稽人

浙江通志曾煜喜讀書肘著案案為之穿背誦史記自  
首卷至終篇不失一字其為文字句皆熾治而出少不  
置意輒棄去手纂詩學內外傳數十卷春秋所見所聞  
所傳聞三卷集史曰簡要綱目參同又作字原闕天錄  
高丈有五尺  
毛奇齡曰章之學術最醇古文並昌黎賦近漢獨詩非  
其所長然生峭處亦有似韓盧一種者自章之沒而吾  
郡無學區區韻語  
求之猶餘事也



病起

入衆不失寡處言而愈默昔有陶先生抗懷滅通塞子亦淡  
若人荷鋤苦隻力擬作萬里遊乘風振雙翮

沈霄鶴

字鶴士  
會稽人

越郡詩選鶴士五古起致浩落近漢魏作者具體  
清婉朗散其生平操行孤介高懷自寄宜其有此

訪王子安述懷

有鳥鍛兩羽獨立河水湄河水清且漣照此縞素姿悠悠水  
東逝企望如有思戛然欲長鳴顧影還自悲西岡有靈禽華  
燦揚光輝申響發清遠彷彿鈞天遺驟親未可得戚戚何所  
期仰視朝陽端進息桐樹枝軫志欣有託衆鳥當自知

王爾椒

字篤齋號黍  
生永嘉人

東甌詩存王爾椒  
爲永嘉五子之一

兩浙輞軒錄卷三

邱光周 陸魯鼎 沈霄鶴 王爾椒

寄懷陸麗京

當年君泛海東槎羣彥追趨水一涯投刺昔曾傾許下上書  
親自擬長沙梁鴻作客歸無地潘岳還家鬢已華縱有元亭  
遺業在懶將奇字授侯芭

任四邦

字屏臣號青巖  
山人著青巖吟稿

張鳳祥傳畧曰先生幼讀書敏捷稍長通六藝旁及百家弱冠補弟子員遊鼎革以病絕于進年五十始學爲詩矢口卽似少陵然不自愛惜故存者不多其曰青巖者甄濟隱居之所也毛大可曰青巖律全取氣韻雖輓轡交比順逆相生往得裁量而涵情渾融抒辭簡質直以柴桑之情發襄陽調之

九日舟中卽事

不躡登高屐翻來訪載船雨斜衣盡濕蓬老簪俱穿遠樹雲  
中出危巒水際懸那堪重九節回首獨茫然

晚出東郊同張子屈周子鉉訪朱五斯佩

緩步聯芒屨輕寒襲布袍停雲低野岸流水接城壕人慰三  
秋別樓開百尺高衰遲多懶慢今日爲君豪

沈

華

字祇臣山陰人允範弟

越郡詩選祇臣兄弟詩俱有開寶間格意

孫度曰朱竹垞太史曝書亭集有贈沈華詩注云華一名華範允範之弟毛奇齡贈詩有賦就烟雲生四壁畫成蛺蝶值千金句朱詩云沈生好畫兼好詩昨朝和我春游詞又云允長花鳥工沒骨染艸縈沙細如髮蝴蝶麻姑五色裙蟠桃漢帝千年核則沈之工詩善畫槩可想見矣

初秋

徑僻知秋蚤松亭晚更涼竹枝疎送月荷芰靜聞香短笛荒  
城遠離歌子夜長壯心悲伏櫪不敢問青箱

趙

珪

字珪生東陽人著自適吟

金華詩錄  
適其志因名所作曰自適吟

思歸

自憐長作客芳草幾回春喜得他鄉夢多逢故國人

金星  
字德甫一字介巷浦江人著粵西記遊晚青堂集雁字全韻詩

洪鶴  
元曰介巷於歸老後復溯長江汎

洞庭走衡湘嶺嶠足跡所及不隴萬里

樓上層日金星在前明時為柳州府教授順治辛卯從

光祿金湘隣按粵西值氛擾湘隣殉節左右各分散介

巷不避艱險從戎戡中索得尸葬之隨歸

朝表陳湘隣死難時始末還家築晚青草堂以老

偕張介邱觀梅

寒覺今年甚花偏此夕多綠江春意動把盞酒顏酡老不與

人共貧其奈我何揚州負遊尚抗頸獨長歌

候思耀  
字開先樂清副貢生

晚望

天連野色遠蒼蒼獨上高樓一望鄉古樹暮雲歸鳥雀空山  
斜日下牛羊吟魂時傍梅花影寒色將消柏葉觴旅鬢邇來  
搔漸短不堪三十未爲郎

沈峻曾

字露菴仁和副貢生著述滿堂集

朱彭曰露菴年未五十卽棄舉子業從事詩古文詞與徐捐菴應清齋毛稚黃魏昭士丁素涵開槎度陸左臧詩工七言

梅雨

積雨蒼茫烟樹浮水聲汨汨送沙鷗湖邊高士常浮宅世外  
仙人亦愛樓把釣孤舟應荷笠負薪五月好披裘如何得向  
名山住坐對龍湫瀑布流

鷺脰湖建張高士祠

扁舟一葉快登仙泛宅浮家不計年世外漁樵同白鷺雨中

簾笠冒蒼烟太虛明月長爲客流水桃花別有天遙念鸞湖  
亭閣上詞人得句向誰填

洪圖光

字輝吉一字梅槎鄞人順治戊戌進士官程鄉知縣著師儉堂集

續省舊傳梅槎厄於科名嘗擬解頭又

嘗擬省元又膏擬狀頭皆僥倖得僥失之

袁鈞曰洪梅槎少與史大成齊名負才在誕人方之屠隆知程鄉時粵中尙未靖撫循疲氓大有經畧以註誤

村婦

生長爲粵女妾命實不猶負薪兼耕田而無風雨休耕田失  
秋實負薪采薇巖兒女皆啼飢牽衣淚成血聞道江南春珠  
簾映美人凝粧何所思陌頭楊柳新

虞黃吳

字景明一字景銘石門籍錢塘人康熙丙午舉人官臨安教諭

今世說景明十歲即善屬文嘗薄柳州乞巧更作辭巧文識者知其遠到

十子詩選序畧曰景明妙齡嗣響一洗蕪累雅裁秀色蔚然名家五言古體尤號獨步

楊柳枝辭

楊花如雪撲征衣馬上征夫苦憶歸曾向曲中回首望而今  
真在路旁飛

吳百朋

字錦雲錢唐人前明舉人

今世說百朋少奇敏讀書五行並下爲文數千言立就

未嘗起草官有異政歿後百姓奠者踵接紙錢騰貴一

縣盡空建祠祀之兒童亦

贈宋荔裳

十子詩選序畧曰錦雲才斐妮有氣勢故放筆不羈境必幽絕致異小家樂府歌行瀟灑大國風也

相思五載何由見屋梁落月疑君面漫傷元髮忽成絲無那  
華年去如箭憶昔扁舟吳地遊登高作賦卑曹劉聯鑣共入  
三天竺把酒還登萬歲樓此時君才殊倜儻中原屈指雄心

壯下走蕭蕭一蒨緤依劉王  
縈騰高唱桃葉渡頭烏夜啼  
飄零盡室在西溪彈碁擊筑  
座上滿玉臺春酒山中攜江  
南江北各奔竄別後書來長  
尺半贈袍每念范睢貧解驂  
思濟越石難世人白眼欺豪  
賢黃金不多人不憐君獨忼  
慨命游俠丹陽時覓孝廉船  
夢日亭邊花似霞半渚蠟磯  
澄匹練元暉築室愛青山太  
白揚帆恣歡宴春風楊柳已  
垂絲青鞋布襪到鳩茲還尋  
北海孫賓石應爲窮途識趙  
岐

陸

堃字左城錢唐人所

朱彭曰左城即大司馬宗楷之曾祖也未髫年能通六

經弱冠馳聲藝苑爲文鴻麗後因家中落遠遊幕府年

四十四卒

人咸惜之

碧溪詩話左城乃夢鶴先生第六子卽麗京弟也諸兄  
皆能詩人多稱道麗京而於左城畧焉其所著丹鳳堂  
集祇一冊亦不盛傳余嘗讀一過記其橫

浦道中憶諸兄一律詞意頗真切動人



橫浦道中憶諸兄

乍分四鳥翮前向五羊城地接蠻烟近天連嶺霧平旅愁多  
短夢離緒念諸兄回首關山遠因風寄客情

曉山西郭

爲愛西郊勝深秋客再過鐘鳴知寺近木落見山多曉氣涵  
芳杜寒光蕩綠波於時聊一望顧影惜蹉跎

贈張元帖先生

草堂寒日對林邱落落聲名百尺樓但說人倫冠東國已知  
高士比南州棲遲蔣詡開三徑寂寞張衡有四愁莫訝小山  
叢桂晚青雲未老漢宮秋

寄懷朱人遠

相思隔歲暮雲愁况是蕭蕭宋玉秋詞客有情應慷慨故人

何事久淹留一天星斗河中出七夕蛟龍海上浮最是傷心

明月裏空疑顏色焰孤舟

張

丹

初名綱孫字祖望號秦亭山人又

杭州府志文苑傳張丹初名綱孫年三十二張妻不再娶簡蘇善病請服氣導引之術晚年夢神人更名丹稱秦亭山人雖極工鍊不過賦爾其南北行旅諸篇尤崛奇

與他全集

之

最

毛

馳黃曰祖望詩悲

涼

沈遠矯然不羣

葉

聖野曰秦亭詩輪囷結

轉

怨誰不亂有小雅之遺

今

世說張祖望美鬚眉長尺餘手足胸背皆有毫寸許

夏

日好坦腹臥大樹下恬淡不樂交遊好為詩古文詞

喜

山水深溪遂谷不避

險

阻每得意長嘯而返

懷祖靜祖定兩弟

明月出滄海忽然飄雲衢徘徊玉井間流光照庭隅衆星正

低昂宿鳥過我廬白露下邱園零落委靡蕪時序亦已邁殷  
憂起踟躕念我同父人夙夜猶離居小者年十四大者二十  
餘鶉衣殊百結鳬芷弗充虛環堵何蕭條雅志尙詩書豈不  
傷我懷中心徒區區適彼曠野中猿猴相追趨析薪莫採桂  
芟艸莫斷瓜桂枝自連理瓜蔓自連株汝其佩茝蘭慎係此  
璫璫莫言思無極歲暮當相須

張夏店

古莊嶽地後  
人訛傳今名

側身入土岡緣路盤地裂維沓樹陰生葱龍谷雲結桀壁峙  
長迴深僻延隱折徒旅遙相呼咫尺行踪滅所歷漸平迴山  
根已改轍亂石列如幟倏空開竇穴指說青陽寨水旱逃亡  
絕土竈廢厓坎石磨棄隘缺經營城郭狀破碎蟲蟻坵登陟  
苦險艱饑餒覺氣咽矯首張夏店煙火遙遞洩

懷沈去矜南樓

憶君常在南園樓  
桐花竹葉映芳洲  
昨夢花間照明日  
滿堂鼓瑟春波流  
覺來矯首皇山路  
燈樹微茫不可渡  
鷓鴣鷓鴣相背飛  
白楊窺裏垂楊暮  
楊花日暮飛不絕  
此時疑是山陰雪中夜  
一起欲訪君再掃落花聽啼鵲  
白楊窺在臨平西

登北高峯絕頂與門人王武功

北峯突兀聳雲上  
石磴委紆雲相傍  
我來古寺正鳴鐘  
乘興與汝扶竹杖  
山脚仰視峯影小  
數點白者山林杪  
須臾移過雜樹間  
乃知是人非飛鳥  
十步一息始至巔  
手摩蒼穹弄紫烟  
中有仙人騎白鶴  
左右玉女何嬋娟  
吹笙洋洋過我耳  
子欲從之拍其肩  
天空日墮城烏集  
城頭接江江水立  
眼前不直一勾多  
誰謂蛟龍夜深蟄

西馬塋

元時張伯雨于此卜幽居今我呼祖望亦來結草廬  
陂墳鄭敬蟻沼畜孝章魚農圃終吾事解衣且荷鋤

花園亭

蘿薜牽秋色孤亭當路分行人背落日古佛面殘雲  
雁外水田洞鴉邊楓葉間薄遊多野趣將老絕人羣

登千佛山

太甲陵前沙作堆杜康祠畔路迷苔地明落照秋鴈健天急  
寒風旅雁哀忽有片雲生鉅野那知千佛繞層臺龍泉洞口  
看金鏡可奈顛毛細細催

龍泉湖上有石如鏡可鑒毛髮

同其武弟訪佛惠寺天逸上人

入城每到惠連居訪寺纔過支遁廬雀乳春花宮殿廢燈明

曉碧薜蘿疎坐開簾笥題詩後行踏園林把臂初方外定交  
聊一笑白頭在苒未愁予

采桑曲

小姑不采桑對鏡常如醉日看雙蛾兒紅顏便憔悴

涿州城

曉霜不在地微白生牛背遙望涿荒城隆然沙磧內控縲走  
其下壁立皆土堠此地古范陽甲兵天下最側耳聞啼飢傷  
心自我輩野狼遇人肆蒼鷹攫雄碎生涯底如此浩歎茲行  
邁

黃姑嶺

黃姑嶺下經大澤蘆中夜行水影白寒烟一帶衰艸坡高低  
不整鴈林多在灣右折村路細短牆密竹柴門閉四郊多盜

山犬驚古墓燈火如人行月黑狐狸林下拜欲前不前疑且  
怪拔劍直趨眼朦朧莽莽鼓木生陰風鼓木荒祠神鬼出夜  
深依稀奏竽瑟南渡石橋走岸沙浦口張罾半漁家水鷗當  
空飛且叫虛谷似聞老人笑此時霜重寒不勝兩手凍縮如  
握冰入門始知行路苦袂衣鉤破那可補妻孥秉燭登高樓  
參橫月落河悠悠

雨多

六月雨多雲昏昏山人晝眠秦亭邨鵲鵲從曉立到暮魴鯉  
白河遊入門西岸土偶竊相語東方羲和忽倒奔茅堂會須  
愁黑暗呼兒赤脚追鷄豚

出塞曲

塞外蕭條萬里平龍沙漠漠少人行不知何處春風轉四月

遼陽青艸生

陸世楷字英一號孝山晚號錫翁平湖貢生官恩州知府有越吟秋吟晉吟齊吟嶺外思陽等集

橋里詩繫思州太守順治戊子以貢授平陽判姜瓖

亂被圍五旬格固守繼乃誘降李建泰平其黨悉登明

郡丞叛帥海時行聞其守一以仁厚為治民戴之若怙恃

入計却之陞南雄太守中楷不為屈奸僧指南倚勢為害

時兩藩龍票橫行粵中以訓士丁外艱補思朋乞歸卒

立斃諸杖建天峯書院以訓士陽等集詩格

有越吟秋吟晉吟齊吟嶺外思陽等集詩格

直追開寶合雅歸風不獨為湖中領袖也

諸錦曰平湖陸氏代有詩人若侵

別義山弟

捧檄出都門駕言返故鄉經途瞻吳會去國哀沅湘分符在  
蠻徂道路阻且長親交徒悵望誰與傾壺觴眷懷骨肉情迢  
迢上河梁零雨忽朝降重雲覆前岡車徒嘆寂寞行李減輝  
光酌酒更相勸臨行意彷徨垂楊未堪折惜別牽衣裳牽衣



難久畱佇立同含愁含愁亦何如隸粵空綢繆委身嬰世事  
聚散寧自由荆枝怨分植雁影悲孤遊彈冠慕郡邑俄焉羽  
虎投簡書益敦我俯仰增離憂離憂日以積進退兩無策舍  
我琴瑟歡尋彼魍魎迹悻何尊夜郎羅施維鬼國溪洞恒塵  
昏苗蠻易反側滇南與嶺右所在盛兵革驅飢荒落間一官  
類遷謫遷謫休歎歎捧檄安敢違惟念同懷人少壯多別離  
家居失喪亂宦遊隔京陲况此徼外行後會誰豫知行者疲  
津梁居者虛房帷春草既憔悴秋風彌淒其金門稱大隱臣  
朔當苦飢苦飢且勿哀侍從誇翹材聯步升玉墀秘書窺芸  
臺著作擬遷固詞賦陋鄒枚立言苟不謬千載欽良才何必  
感離索皇皇賦歸來歸來良足思懸車固可期祖帳榮漢廷  
二疏誠知幾庸庸守邊鄙忠信恐見疑崦嵫漸以逼拂衣須

何時白首依故園總得樂埧旒萬里自茲別珍重無他辭

廣州

嶺外常如五夏天珠江潮汐無邊萬家水檻迎朝日隔岸  
花村起暮烟瀾市喧闐番帽集濠居婉轉妓衣連滿城第宅  
熱藩據橫海帆檣異國傳里社舊分誰辨樹術衙新闢已分  
屢機中織錦霞同艷櫝裏藏珠月共圓帳翦異綃忘酷暑爐  
焚奇牘識沉澁文窗贈客珊瑚格綺館留賓玳瑁筵每怪細  
蟲多人饌還誇珍果倍盈前脂凝瓠齒憤椰染玉繞雲鬟采  
莉穿巧士材童矜婉變華裾金飾儼神仙名區自昔稱都會  
沃野於今更蔓延火映千林丹荔間風搖數里綠蕉田小園  
障日思葵扇深閣迎寒憶木棉蛤粉如泥塗壁聖蠟房似石  
疊牆壁行人曉起催鷓鴣估客宵歸覓蛋船留我鷓鴣啼莫

憫呢他鸚鵡語堪憐只愁瘴癘炎方甚逐客孤踪獨黯然

雄州竹枝

朝聞鵲鵲啼山頭暮聞鵲鵲啼江頭山程水程行不得郎今  
何事斜階遊

十三女兒朱顏酡夜來聯袖相經過懷遠樓前明月滿一時  
齊唱木魚歌

遊錦石巖

登山如觀書開卷見大意自非月紉繹鮮克窮其祕晨興趣  
歸喪傍徑求杖履扶攜下重阿顧瞻情何已改塗指幽厓牽  
蘿入礪底劃然雙石門洞府爲誰啟堂室皆天成軒渠面江  
汜丹霞擬岱宗錦石梁父耳何爲探奇者至此輒觀止碑碣  
空云云解人亦未易所以而壁老終古無一字

魏允校

字小臣號功父嘉善人

檇里詩繫功父又自稱壺嶺山人係學濂之子順治戊子舉人授西安教諭未仕卒其赴遊集自序云五福無徵漫擬傷心之賦百年將半長謫病肺之篇遂使夜犬晨鶯徒工述淚春花秋月祗解傷神踪跡難期命途多舛悉其襟抱不無悲殺之音

寄六弟

托諸篇章惟以愁哀為主

作客頻年慣今偏憶故鄉老親能恤緯稚子解扶牀夢入清

宵短雲看白晝長愁心逐江水日夜下潯陽

錢

芷

字宿漁桐鄉人有款乃餘吟滄洲集

諸錦曰宿漁五律句如溪橋雲半斷石笕水初平為探山頂寺不厭午時鐘暗連空翠淡暝結野烟多可稱虛實俱練

秋郊送客

官路艸蕭蕭離亭酒一瓢故園此為別旅恨幾時消夜柝三

更夢秋帆八月潮鴻書應計日悵望暮天遙

台城秋望

攜樽眺落日寒色滿征裘地盡猶分越山高漸入甌瘠田稭  
稍熟儉歲苧麻收欲擬興公賦殘霞遠樹秋

胡

介字彥遠錢唐諸生有旅堂詩文集

葛世振曰旅堂詩麗不傷雅逸而善變

寄龔野道

一葉落高木艸堂秋月生故人已千里明月欲三更憂患存  
終古饑寒見老成霜清憐永夜回首望蕪城

雨中懷陳四康侯東歸

楓落吳江客路寒布袍江上思漫漫孤舟一夜風兼雨人到  
嚴陵第幾灘

蕪城訪冀半千

陋巷冀夫子重來郭北尋到門還傍柳種竹未成林易失青山約難消白日心不須傷老大絃絕有知音

送顧庶其南還兼訊茂倫諸子

離堂尊酒恨難平久客何堪送客行落日自傷游子意殘年倍有故鄉情帆檣楚國羣鳥晚橘柚吳天一雁晴歸訊江城隱君子幾人雨雪憶劉生

包文愷

字畏巖永嘉人貢生官零陵知縣著致遠軒集

天津閣望海

萬里奔騰激怒雷獨憑高閣望蓬萊山迴遠近天疑盡城壓東南勢欲摧龍女霧清浮絕島蛟人風急避層臺百年事業同消長坐看仙槎泛酒來

俞宣琅

字雍來號蓼山海寧人順治己亥進士官大竹知縣

贈張給事

惟赤

泰階協令序闔闔開晴暉威鳳有奇氣羽儀振天逵梧垣久  
視草直聲動四圻競憚驄馬貴兼工曲江詩昔充觀國賓琅  
也同追隨龍門分一座交誼矢不移自來鄞江上燕山何透  
迤新秋薦涼爽遙指縣弧期望望千里隔何由晉瓊卮願君  
保令德眉壽長在茲

李文翔

字昭素鄞人順治辛丑進士

登天封浮圖絕頂次林殿賜太常韻

長江遶郭走寒沙有客登臨興倍加十二層樓疑蜃氣三千  
法界散天花窗懸日月臨清漢殿枕琉璃映碧霞幸侍仙輿  
乘勝賞自慚籌海願徧賒

盧

然字開公自號闔然子東

金華詩錄盧然自作闔然子傳有曰士不得志猶可獨  
善學不聞道終虛此生又嘗論學者蚤讀日昧爽之時  
內欲未萌外誘未接義理易入思索易通蓋希風婺州  
前賢為性命之學者也所著香玉山房稿有慎獨箴持  
戒箴四勿九思箴居家十箴又作自警十六銘蓋有志之士  
事各立小序以之自省又有自警十六銘蓋有志之士  
詩亦多  
作理語

客粵望家書

補贊客蠻方音書帶故鄉願將一石酒消盡九回腸

曾

益字謙受號崔

紹興府志益性嫺雅著述最富談詩喜李賀有昌谷詩  
注王恩任為之序王書乘筆迅掃大率寫其胸臆有時  
細密如出二手又有八又集  
注吳郡顧氏為刻之行世  
漁洋詩話會稽會益注李長吉詩世如之矣晚又得其  
所著溫岐八又集乃吳郡顧氏刻本宋天社任淵注宋  
景文黃山谷陳后山三集  
可謂獨為其難於益亦然



禹廟後壁畫梅歌

并序

吾越禹廟經亂頽毀順治九年壬辰重修煥然一新  
仲冬同朱騰之張宗子林叔含魏子煌謁祠適誦杜  
甫古屋畫龍蛇句及梅梁化龍事諸君顧予曰盍畫  
梅於壁以代之因援筆作二梅并書梅龍二字于上  
字徑四尺壁橫二丈有四高二丈有八遂作歌以紀  
高天一聲飛霹靂回看禹廟雙龍失屋頭古畫黯無存梁間  
水藻久猶溼我來懷古試一探寂寞空山嶺今昔戲拈秃筆  
畫雙梅濃處無塵淡無迹眠者如龍屈曲蟠昂者干霄作龍  
立著花向背爭離奇有石參差學疎密由來神物解通靈此  
梅寧肯終潛蟄翻疑注海蒼龍逃今被曾生偶捉得宛委依  
然在眼前寒雲疊疊浮春色

錢昭

字觀文鄞人光緒中著讓水集

袁家日錢昭緒與兄光緒齊名父官寧國有遺愛亂後送家焉日與沈壽民兄弟和此外不通一客親友招之亦不歸從兄肅屬過寧國訪之抱頭哭各訴家事前此未嘗相識也壽民目昭緒兄弟與肅圖為錢氏三逸

古北樓雨眺

雲失窗中岫烟昏渡口橈不堪秋漠漠獨聽雨瀟瀟黃葉墮猶濕孤鴻飛更遙樓高空徒倚愁思未全消

查嗣

字肇五號石丈海寧人

俞寶華曰查嗣其師事山陰劉宗周受教過顯過隱過之格日記月課事事期歸實踐居常有衣草屨絕跡城市

咏梅

孤山人去矣寒卉却依誰春氣許先占冰心甘後時剪香清寫照素笑獨吟詩昨夜聞鄰笛吹殘第幾枝

許

蛟

字潛飛  
海寧人

俞寶華曰許蛟生有異質日誦數千  
言絕意進取吟咏不倦卒年八十餘

過沈太僕升墓

太僕風流異代存當年給札重徽垣  
薛碑尙許憐詞客樵采誰能掩墓門  
蔓艸飛花增寂寞荒猿野鶴怨黃昏  
千秋塵劫長如此耆舊何人爲細論

馬遇知

字楚白號槐村海寧  
諸生著桐溪詩草

桃源春曉

渺渺桃源水春晴碧影浮雜花迷  
埜渡細草接前洲雲重峯疑腹  
溪迴路更幽浪傳劉阮事何處覓仙遊

祝洵文

字眉老號東濱  
山陽海寧諸生

俞寶華曰祝洵文與陳  
確爲誼友講性命之學

可千有下象  
錢昭緒齋  
讀許蛟馬遇知祝洵文

山樓次乾初韻

山色青終古登臨感世人  
高樓寄長嘯秋宇淨纖塵  
牛湯寧辭飲車勞悔用薪  
與君同卜隱天遣作閒民

曹偉謨

字次典嘉善人平湖歲貢生

秦淮竹枝詞

戲演魚龍夜不眠  
玉簫檀板按新編  
輕輕斷送南朝事一曲

春燈燕子箋

莫問當年舊狹斜  
白頭老圃作生涯  
曾經紅粉香消地野菜

猶開指甲花

呂章成

字裁之號秋崖晚號夢園餘姚人著浴日樓集

紹興府志章成爲前明大學士本之曾孫嘗改輯周興嗣千字文紀明代事詞源而義嚴姚江詩存希轍少侍藝周先生之門每旦必整衣危坐訓以先儒格言及經世大綱間爲詩古文曷然自得遇

酒輒飲晚年遍遊燕齊揚粵無所遇  
退居一室蓬蒿不剪有張仲蔚風

### 秋夜

七月驚秋客衡門早自闢氣收樊氏樹風定葛仙山白紵裁  
新曲青樽洗舊顏何人更吹笛千里暗中還

祁鴻孫

字奕遠山陰人理孫弟

孫度曰街市鄉里故一門爲才子之藪忠敏羣從則駸  
佳牙佳熊佳公子則班班理孫鴻孫公孫耀微才女則  
商夫人以下子歸楚續趙姬女卡容湘君閨門內外隔  
絕人事以吟咏相尚青衣家婢無不能詩越中傳爲美  
談云

### 贈愚菴和尚

偶尋方外勝載酒上高樓人怯三年病花開九日秋愚漢何  
處問聖水至今留幸得逢支遁深林話更幽

### 九日童山晚眺

嫋嫋涼風生  
淅淅收潦見  
淅淅木葉鳴  
溽溽露華泣  
攜手登  
高岡  
載酒叙歡宴  
黃花不重鮮  
白花不重絢  
爲樂能幾何  
何  
以委流眄  
高張生棘弦  
浮雲起更變  
憂懷聽離聲  
汨下忽如  
擣

祁理孫

字奕慶  
山陰人

趙風先生爲忠敏家嗣與弟奕喜俱以才藻自豪後  
爲慈谿魏耕林累奕喜成選先生幸免遂閉門謝客

蹴踘行

春雲薄薄流寒香  
市場草短花枝長  
聯翩蹴踘競相戲  
落月  
奔星到平地  
五步七步軍容開  
左御右掣呈翹材  
白打分錢  
過寒食  
氣毬約住芳塵力  
黃鸝催徹遊冶情  
人言鳥語皆春  
聲  
寶梁恩怨何足較  
衛霍功名此時少  
莫以儼才嗤健兒  
少  
壯爲歡能幾時

王余高

字自牧號退菴蕭山人全高弟著

毛奇齡集杜詩序畧曰王自牧喜集杜甫詩當其間有所接意有所感友朋有所况臨山川道遠有所觀覽覺吾所欲言甫已言之矣不必時與地與人與往來眺望之相符而以彼擬此以此擬彼不知其剪裁之妙也

中條山

向間中條山山高拓靈境遠勢積烟靄青空亦修嶺十里陟  
山椒霜重衣袂冷深裂溪萬丈奇聳壁千仞連峯如波濤出  
沒杳無盡老樹多屈蟠怪石半斜整夕照沉寒光陰風弔孤  
影猿啼秋氣哀虎嘯客心驚嗟嗟此險隘束馬誰能騁

卓發之

字左車號運句仁和副貢生瑞安人著澹齋集

陳焯曰運句為前明卓忠貞公六世孫淹博羣書兼精內典構傳經堂以延四方賢豪予人月孫天寅肯士林之望運句本瑞安人寄藉仁和而子若孫又遷居武康據集中自序云石頭城清涼山之畔作還數轉別有人間乃結鄰為園園時一山類襄陽袖石巒壑畢具其中種花滿徑可供塵刹云云是運句又嘗寓居金陵也

兩浙輶軒錄

卷三

祁理孫王余高卓發之

手

中元遊三潭同王孝先賦

草淺水同色一舟搖月明秋心如許淡涼氣此時生酒殘露  
華濕棹欹鷗夢驚三潭漾空碧永夜起吟情

諸匡鼎

字虎男錢唐人九  
鼎弟有說詩堂集

爲毛稚黃題李長蘅小幀

此山可眺江與湖此洲可種菰與蒲我來披展西窗下絕似  
凝翁小隱圖

陳邦紀

字燕及永嘉拔貢生官  
諸城知縣著星聚堂集

夜泊錢塘

旅客維舟晚明霞亂水紋風濤兩岸合吳越一江分高塔懸  
新月孤城繞暮雲獨來江上宿長笛夜深聞

范廷鳳

字伯威鄞人順治乙  
未進士官萬載知縣



輓前通守喬還一

祕省文章伯先朝道德師京房能著易東哲每論詩小子真  
無隱斯文不在茲

九重頻寵錫三晉自驅馳白傳香山社陶公彭澤辭人思解  
緩日道重拂衣時空谷崇蘭秀閒庭古木奇藏丹原有計執  
紼恨無期日詫非庚子星應騎尾箕爲觀有道傳不愧蔡邕  
碑

全吾驥

字聿青號北堂鄧

李昭武聽清樓集序器曰北堂之詩蒼涼  
酸楚寫其心寫其照宛在目前鏗然欲絕

續昔舊傳大父與黃大令道宏爲中表少同學大令貴  
大父以出處既異還往甚簡及先和州公墓田爲家別  
所吞大父嘆曰是非土室柴車人所能及也遂不詣有  
司泣血而已大令慨然直之有司大父往候之而不謝  
大令亦絕口不及之時  
人以爲神溪叔向復出

袁鈞曰全吾賦為大程子年十七從父在幕府議授官力辭已而寧去絕意進取終日危坐嘯咏不肯妄交一人其孫即祖望也

秋蕉

疎鐘足清夢冷月下殘更細細吹疎影冷冷作雨聲客愁盡語咽天卷海雲明耿耿竟何事空堂遶榻行

朱獻臣

原名延鑑又名世溶字餘古鄞人

讀書舊傳先生娶於蛟門謝氏范丈香谷其僚婿香谷風格魁奇而先生之和平遂密香谷默然服之亂後善收拾世法物插架無算故有小玉巖軒之稱  
袁鈞曰朱獻臣為錢之羣從年最長雖潦倒厄窮而衣冠峻整非法不言非禮不履里中奉為模楷  
題葉將軍忠勇卷是日舟次三橋適有野人指將軍墓

肅拜並向予問顯水因成四韻

潮落舟停古渡頭朔風吹雪滿荒邱野人猶說將軍事客子

還深故國愁石積寒苔烟篆沒竹連衰艸夕陽畱姓名終古  
垂青史莫嘆當年未列侯

胡紹相

字公輔號鷗  
沙會稽人

青藤書屋歌

玉虛觀西秋送涼青藤老幹蒼蒼軼才去我已百載一瞻  
手植登書堂憶昔時人優幕府醉狂自喻福生鼓凱奏紅冰  
壓鉅公表題銀浪驚人主酬綳得來一畝宮千金移種南山  
中非草非木喻奇癖居然卽號青藤翁倭戕社易滄桑改遺  
宅孤根今尙在滿眼青黃悟道機憑箇謔語從詮解披陰元  
坐思悠悠剩墨餘鐫孰敢酬董石姜松久零落何如池上摩  
青虬

趙吉士

字天羽一字恒夫錢塘人順治辛卯  
順天舉人官戶科給事有萬青閣詩

雨浙輜軒錄

卷三

朱彭曰恒夫先生祖籍歙縣居杭入錢塘籍中順天舉人初令交城以奇兵破交山巨寇有功行取主事陞給事中

三

朱彭曰恒夫先生祖籍歙縣居杭入錢塘籍中順天舉人初令交城以奇兵破交山巨寇有功行取主事陞給事中事性豪爽好義會憫鄉里遊京師者無所棲止出三萬金創造全浙會館至今寒士遊京師者猶得庇其宇下焉著春秋屬辭續表忠記詩多刊本不無燕雞惟晚年自訂萬青閣詩清雅可觀

柯城送任文階還陽羨

竹舍青燈漏未沉夜寒先入旅人衾一簾烟雨難爲別千里江雲共此心意盡還聞廢半嘯曲高止作郢中吟莫愁我輩長須賤爨下枯桐有賞音

陸左城遠就漁幕賦詩以壯其行

聞道昆明已息戈蓮花幕府待君過西湖淚洒忠魂遠謂令兄鯤庭先南詔人逢乞老多午夜聞雞應起舞丁年躍馬漫悲歌書生草檄從來事萬里思鄉奈別何

醉贈

客至殘陽落燕關是舊游霜橫江上戍寒到水邊樓曾作九年別能無三日畱相看須縱飲明月正當頭

丙午首夏雨過新嶺

行行近故山登躡亦已熟颯然涼風生空濛萬象伏猛雨成波濤倏忽滿陵谷頃刻天宇開蒼黃觸我目此身已百盤猶在峯之麓回顧攀援處但見千章木

東溝晚泊

橫江幔閣挂斜陽赤岸青山是故鄉曲渚沙明舟載月寒山雁落樹披霜人家蘆荻供薪火水市魚蝦足稻粱歸去牛衣無對泣荒田郭外學耕桑

汪用成

字克賢號濟懷歙縣人著狂吟集

鹽法志用成年十四時家中落負米養親過婺州南門拾一布袋啓視皆白金伺其人還之明末奉母避跡山

陰通旅中甘旨  
之奉一如平日

祇園夜坐

丁東澗水叶新詩檻外芙蓉照酒卮千里清光一樣月老夫

別有會心時

胡明遠

字九元石門人前明天啓辛酉科舉  
國朝仙居教諭著壽花居詩集

臨海陳復甫秉鐸仙居以病告去諸生赴憲臺攀留憲

諭勉畱之翁亦不忍遽去予爲同寅因記其事

少年名擅江之東才高學博推鉅公墨花霏霏灑白雪筆鋒

颯颯吐青虹文場會賦日五色過眼空迷空歎息調高和寡

知音希悠然抱璞荆山側晚年挾策長安道昔懷遠志今小

草瀨氣凌雲歷後生五十明經未云老釋褐止授一青瑣瑣

寒差可擬鄭虔薄糜猶抱素餐耻長將青眼問青天斗室一

間開講席束修勞如酒旌帛架上異書收千卷牀頭美酒藏  
十石登壇儼若龍門賢領尊其詫飲中仙康成儒宗酒無量  
庭前書帶草芊芊偶因二豎采薪亟便欲飄然棄雞肋入百  
諸生其舉幡號呼攀懷淚霑臆明倫講道近代希聲聞柏臺  
心轉側急下青符相勉畱先生欲歸歸不得

胡直方

字同表明遠子歲貢生官蘭谿教諭

觀稼樓落成自遣

編得管茅密密遮玲瓏四面紙窗斜寒風旭日雞豚社翠浪  
黃雲燕雀家老去奈何痴造屋春來猶擬醉看花登臨喜得  
豐年瑞閒引兒孫一笑譚

檻外風烟未有涯牀頭乾掛舊青鞋久知望遠登高樂近覺  
求田問舍佳處得好風秋入坐護教殘月凍升階平生心事

消磨盡肯爲行藏動老懷